

Nits'oo Oozrii Tr'oonjii Gwidinehtl'ee

Jaadee Oozrii Tr'oonjih?

Gwiinzii ts'at nikhwananhkak ch'igwijuu'ee nikhweenjit guk'ahnahtyaa kat eenjit oozrii oniidinjih.

Nits'oo dee Oozrii Tr'oonjii Dagwidi'ih?

Nikhwananhkak gwa'an gwits'at ihlee zraih eenjit oozrii oniidinjih. **Juudin gwiyeendoo leii kat yuuzri' onjii, aii t'at gayii gwahtsih.**

Adanh t'at Parliament gwizhit nikhweenjit **khaihkaih choo** nili.

Ginjih Vahiishindaii

Juu oozrii tr'oonjii drin danh vaghaii 18 goonlii, aii t'at **oozrii tr'oonjii gwijaa** nilih.

Juu veenjit oozrii tr'oonjii t'at candidate vaazhiih.

Juu ozrii tr'oonjii gwijaa heelyaa kat tthak goovoozri' edinehtl'eh kat dinithitl'oh.

Dinehtl'eh vakak shoozri' dinithitl'oo shats'at nitr'ahchoo, nijin ts'at dah theeji' vote hahtsaa vikak gwidinthatl'oh.

Polling station sheenjit goo'aii danh gwizhit at'at oozrii onihnjih.

Jii gwitr'it guk'andak nilii geenjit dinehtl'eh nilii shats'an ahtsih, nits'oo jii dinehtl'eh kak etr'itadhak chan duuleh geenjit diits'at tr'iinjih.

Oozrii onihnjih tl'ee t'at nijin oozrii ohihndal geenjit shoozri' dinitl'oo, aii shoozri' kak nin agahadhat.

Aii **ballot vitr'ahnuu**, kak t'at juudin shananhkat gwa'an veenjit oozrii tr'ooheendal kat tthak goovoozri' dinithatl'oh.

Canada gwizhit **nagwinaa'ii ts'at oozrii tr'oonjih** – secret ballot gatrahnuh.

Diitr'inah'ih kwaa danh gwits'at chihshik danh t'at oozrii onihnjih. Dinehtl'eh kak ichihthak tl'ee juu guk'ahndak aii dinehtl'eh lat nah'ih kwaa ts'at gwits'at tr'ahch'ak, aii tl'ee t'at ligis ts'al zhit shidinehtl'eh alchoh.

Oozrii Tatr'agwajih Danh -Thanh hee Ihlee oozrih onihnjih

Oozrii tr'ooheendal gwichih **dinehtl'eh** shats'at natr'ahchoo dai' geenjit dinehtl'eh nili kat shoozri' dinithatl'oo gahshandaih.

Jii dinehtl'eh loohah vit'agwijanch'uh.

Nits'oo, nijin drin, nijin danh oozrii ohihndal vakak gwidinithatl'oh.

Jii dinehtl'eh nil'ih kwaa ji', **Elections Canada goots'at ginihkhiih**, nits'oo oozrii tr'ooheendal gwijaa hihlyaa geenjit.

Iits'ii adantl'oo choo kak, **juu veenjit oozrii tr'ooheendal** kagwinił'ih – **www.elections.ca**. Iits'ii giikhii oodhadhiłch'eii k'iighe juu voozri'tr'ooheendal, nits'oo dagiheedi'aa gwijihthak TV nil' ih, newspaper kak ginihkhiih, shijaa, goo shilak kat ts'at ginihkhiih k'iighe' at'at juudin **iisrits'at sheenjit nizii** eenjit oozrii onihnjih.

Nits'oo Dee Ozrii Onihnjih?

Tyit gwizhit duuleh ozrii onihnjih.

Oozrii tr'oonjii gwiyeechih duuleh oozrii onihnjih

Advance Poll, t'at juu vote tr'ahtsii drin izhik heelyaa kwaa eenjit akoo dagwidi'ih.

Juudin juu dahii shi'iah niindhah, kat tthak duuleh juu digidi'ih.

Aii dinehtl'eh shats'at nitr'ahchoo k'iighe' nijin drin goo nijin danh juu dagwiheedi'iaa gik'iniljih. Aii dinehtl'eh kak ihdichih dinathatl'oo ts'at tl'yah zhit ginihkhii ji'chan.

Special ballot k'iighe' chan duuleh vote eltsih.

Returning Officers nilii, dinehtl'eh geenjit shats'an ahtsii, aii kak vote eltsih tl'ee chan dinehtl'eh natr'ahaazhik k'iighe' shidinehtl'ee tehta tr'ihahchał.

Elections Canada kat ts'at ginihkhii ji' chan geenjit shits'at tr'igiheendal.

Shii than chan oozrii tr'oonjii drin duuleh vote eltsih.

Nijin nihishaa gwidinithatl'oo danh gwizhit vote haltsaa.

Geenjit dinehtl'eh nilii kat nijin drin, nijin danh juu dihiishi'iaa gwidinithatl'oh.

Polling station nihdaishik dai, vakak ii'aa kat ihdichih nil'ih, shidinehtl'ee kak ihdichih k'it t'iinch'uu kagwinił'ih.

Vakak ii'aa nit'ii ts'at neekanh nigilzhiih, deputy returning officer ts'at poll clerk goovaazhii'.

Shoozri' ts'at nijin gwihch'in goots'an eltsih. Dinjii kat leii adai'hee voters list vaazhii kak goovoozri' dhidlih'.

Voters list zhit shoozri' dinithat'l'o' kwaa ji', tth'aih hee duuleh shoozri' izhit nitr'ii'aih. Aii deputy returning officer vaazhii **dinehtl'ee shinanh dhadlii** ts'at **nijin gwihch'in** khehlok nya'ih tl'ee shoozri' tr'ooheendal. Duuleh chan, dinehtl'eh choo kak gihikhah ts'at juudin t'ich'uu gwik'itagihikhah, ts'at juudin izhik danh shahdindeii, sheenjii geheekhyah.

Oozrii oninhjih tl'ee t'at nijin oozrii ohihndal geenjii shoozri' dinihtl'oo, **aii shoozri' kak nin agahadhat.**

Aii deputy returning officer vaazhii dinehtl'ee vilinyanjik, ballot vaazhii shits'an hatsah.

Duuleh chan jii gwitr'it eenjii najilzhii kat **shats'at tr'iginnu'.**

Duuleh chan shijaa goo shilak ihLee shats'at nuh'.

Diitr'inah'ih kwaa danh gwits'at chihshik danh nagwinaa'ii ts'at oozrii otihndal.

Juudin voozri' izhit dhadlii ihee vehghee jidii ghoo dha'aii zhit X nihih'ah.

Aii tl'ee **nits'oo shinlat tr'ahchuu gwik'it** gwintl'ee talchal'.

Juu diinch'uu ts'at deputy returning officer vaazhii vintl'eehalchal ts'at adanh **vichii t'ahach'a'.**

Jii dinehtl'eh, ballot vaazhii, deputy returning officer shintl'ahnahee'a'.

Aii tl'ee t'at ligis tsal zhit shidinehtl'ee nihi'ah.

Chuk hee gahviishindai' nótthan ji', jii gwindinithitl'oo gwi'ihdichii kat t'adòhch'uh.

www.elections.ca
1 800 463 - 6868